

VI. ANUNCIOS**A) ADMINISTRACIÓN AUTONÓMICA****AXENCIA GALEGA DE INFRAESTRUTURAS**

RESOLUCIÓN do 11 de maio de 2026 pola que se acorda a aprobación inicial e se somete a información pública o proxecto de expropiación, por taxación conxunta, dos bens e dereitos afectados pola execución da etapa 1 do proxecto de interese autonómico (PIA) Factoría do Deporte Galego-Galicia Sports 360, no concello de Mos, de clave PO/25/208.80.

I. Mediante o Acordo do 10 de novembro de 2022 (DOG núm. 242, do 22 de decembro) o Consello da Xunta de Galicia declarou de interese autonómico o proxecto denominado Factoría do Deporte Galego-Galicia Sports 360, promovido pola entidade Real Club Celta de Vigo, S.A.D., no concello de Mos.

II. Mediante o Acordo do Consello da Xunta de Galicia, do 14 de abril de 2025 (DOG núm. 91, do 14 de maio), aprobouse definitivamente o PIA Factoría do Deporte Galego-Galicia Sports 360, o cal figura inscrito no Rexistro de Ordenación do Territorio e Planeamento Urbanístico de Galicia co número de rexistro ROTPG/OT/1/2025.

III. O artigo 1.1.6 da normativa do PIA establece, de conformidade co previsto no artigo 59 da Lei 1/2021, do 8 de xaneiro, de ordenación do territorio de Galicia (LOT), que a aprobación do PIA leva implícita a declaración de utilidade pública e interese social e a necesidade de ocupación dos bens e da adquisición dos dereitos afectados, para os efectos de expropiación, de ocupación temporal ou de imposición ou modificación de servidumes.

IV. Pola súa parte, o artigo 1.3.1 da normativa do PIA establece, conforme o previsto no artigo 51 da LOT, que a xestión do PIA da Factoría do Deporte Galego-Galicia Sports 360 levarase a cabo polo procedemento de expropiación forzosa e a persoa física ou xurídica promotora da actuación terá a consideración de beneficiaria da expropiación.

V. Correspóndelle á Administración autonómica, a través da consellería competente por razón da materia, exercer a potestade expropiatoria en favor da persoa beneficiaria e adoptar todas as resolucións que impliquen exercicio da dita potestade, sen prexuízo da intervención, das facultades e das obrigas que legalmente lle corresponden á persoa beneficiaria.

CVE-DOG: sidpnt3-axw7-dip6-inp9-opl2ucnzh41



VI. O procedemento de expropiación forzosa será tramitado de acordo co establecido na normativa vixente en materia de expropiación forzosa pola Consellería de Presidencia, Xustiza e Deportes da Xunta de Galicia como consellería competente por razón da materia á cal se refire o proxecto, tendo o Real Club Celta de Vigo, S.A.D., como entidade promotora da actuación, a consideración de beneficiaria da expropiación.

VII. O prezo xusto dos bens e dos dereitos expropiados fixarase polo procedemento de taxación conxunta.

VIII. Mediante a Resolución do 7 de xaneiro de 2026, a Consellería de Presidencia, Xustiza e Deportes encomendou á Axencia Galega de Infraestruturas da Xunta de Galicia, de conformidade co previsto no artigo 13.1 da Lei 14/2013, do 26 de decembro, de racionalización do sector público autonómico, e no artigo 8 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, a xestión das actuacións necesarias en relación co proceso de expropiación dos bens e dereitos afectados pola execución do PIA denominado Factoría do Deporte Galego-Galicia Sports 360. A dita resolución foi publicada no DOG núm. 16, do 26 de xaneiro.

IX. Para o desenvolvemento das adecuacións previstas, o PIA establece tres etapas ou fases de execución diferenciadas. Cada unha das fases de execución corresponde a un ámbito territorial concreto para os efectos da súa xestión e execución.

X. A etapa 1 corresponde ao desenvolvemento das instalacións da Cidade Deportiva Afouteza. Os terreos afectos á etapa 1 do PIA son os correspondentes a unha superficie de 148.833 m² pertencente ao monte veciñal en man común da parroquia de Pereiras (Mos). Esta superficie correspóndese coas referencias catastrais 36033A067005050000SK, 36033A053006210000SH e 36033A067001400000SW.

XI. O procedemento de taxación conxunta encóntrase regulado no artigo 118 da Lei 2/2016, do 10 de febreiro, do solo de Galicia, e nos artigos 291 e seguintes do Decreto 143/2016, do 22 de setembro, polo que se aproba o Regulamento da Lei do solo de Galicia (RLSG).

XII. O contido mínimo do proxecto expropiatorio encóntrase regulado no artigo 292 do RLSG. O Real Club Celta de Vigo, S.A.D., en canto que entidade beneficiaria da expropiación, presentou o proxecto de expropiación por taxación conxunta dos bens e dereitos



afectados pola execución da etapa 1 do proxecto de interese autonómico Factoría do Deporte Galego-Galicia Sports 360 no concello de Mos (Pontevedra), asinado por técnico competente, e que cumpre cos requisitos formais e de contido establecidos na normativa vixente de aplicación.

XIII. No que se refire ao procedemento de aprobación do proxecto expropiatorio, corresponde a súa aprobación inicial á Administración expropiante. Así mesmo, deberá ser sometido a un trámite de información pública durante un prazo dun (1) mes, mediante a inserción dos correspondentes anuncios no *Diario Oficial de Galicia* e nun diario dos de maior circulación da provincia, para que aquelas persoas que puidesen resultar interesadas formulen as observacións e reclamacións que xulguen oportunas e, en particular, no relativo á titularidade ou valoración dos seus respectivos dereitos.

Así mesmo, as taxacións notificaranse individualmente a aquelas persoas que aparezan como titulares de bens ou dereitos. Para tal efecto daráselles traslado literal da correspondente folla de valoración e da proposta de fixación dos criterios de valoración, para que poidan formular alegacións no prazo dun (1) mes, a contar a partir da data de notificación.

Dado que o órgano expropiante non é o municipio, procede escoitar ao Concello de Mos polo prazo dun (1) mes contado desde a notificación.

De conformidade co anterior,

RESOLVO:

Primeiro. Aprobar inicialmente o proxecto de expropiación, por taxación conxunta, dos bens e dereitos afectados pola execución da etapa 1 do proxecto de interese autonómico Factoría do Deporte Galego-Galicia Sports 360, no concello de Mos, de clave PO/25/208.80.

Segundo. Someter a información pública o dito proxecto, polo prazo dun (1) mes, mediante a súa publicación no *Diario Oficial de Galicia* e nun diario dos de maior circulación da provincia, para que, mediante escrito dirixido á Axencia Galega de Infraestruturas (presentado nos lugares establecidos no artigo 16 da Lei 39/2015, do 1 de outubro, do procedemento administrativo común das administracións públicas), aquelas persoas que poidan resultar interesadas formulen as observacións e/ou reclamacións que consideren convenientes, en particular no relativo á titularidade ou valoración dos seus respectivos dereitos.



O contido íntegro do proxecto inicialmente aprobado estará dispoñible no seguinte enderezo electrónico: <https://vivendaeinfraestructuras.xunta.gal/transparencia/pia/factoria-deporte>

Terceiro. Notificar as taxacións de xeito individual ás persoas que aparezan como titulares de bens e dereitos no proxecto, mediante traslado literal das correspondentes follas de valoración e da proposta de fixación dos criterios de valoración, para que formulen as alegacións que consideren convenientes no prazo dun (1) mes a partir da súa notificación.

Ante a eventualidade de que poidan existir persoas interesadas descoñecidas neste procedemento, se ignore o lugar de notificación ou ben, intentada esta, non se poida efectuar, a publicación desta resolución servirá de notificación co alcance e finalidade previstos no artigo 44 da Lei 39/2015, do 1 de outubro, do procedemento administrativo común das administracións públicas, sen prexuízo da súa preceptiva publicación no *Boletín Oficial del Estado*.

Cuarto. Notificar o proxecto expropiatorio aprobado inicialmente ao Concello de Mos para que poida formular as alegacións que xulgue oportunas no prazo dun (1) mes contado desde a notificación.

Santiago de Compostela, 11 de maio de 2026

María Deza Martínez
Directora da Axencia Galega de Infraestructuras

CVE-DOG: sidpngt3-axw7-dip6-inp9-opl2ucnzh41





ANEXO

Relación de bens, dereitos e titulares afectados pola execución da etapa 1 do proxecto de interese autonómico
Factoría do Deporte Galego-Galicia Sports 360, no concello de Mos, de clave PO/25/208.80

Predio núm.	Referencia catastral	Titular	Superficie total (m²)	Superficie afectada (m²)	Bens/dereitos afectados	
1	36033A067005050000SK 36033A067001400000SW 36033A053006210000SH	CMVMC da parroquia de Pereiras (Mos)	610.000	148.833	148.833	Propiedade
		UFD Distribución Electricidad, S.A.				Servidume de paso eléctrico

